



## Nota de prensa

Llunes, 23 d'avientu del 2024

### Cultura abre al públicu la cueva de La Lluera dende esti sábadu

– Les reserves puen realizase de miércoles a domingu, n'horariu de 15 a 17 hores, nel teléfonu 684 800 385

La Conseyería de Cultura, Política Llingüística y Deporte va reabrir esti sábadu, 28 d'avientu, el conxuntu de La Lluera a la ciudadanía. Allugada nel conceyu d'Uviéu, el Principáu va ufiertar visites guíaes a la cueva, una actividá que se va estender hasta la llegada de la primavera. Nesti periodu, los visitantes van poder esplorar esti importante xacimientu arqueolóxicu los sábados y domingos, con grupos d'un máximu de 6 persones por pase.

Les visites van realizase n'horariu de mañana y van poder acutase de miércoles a domingu, nel horariu de 15 a 17 hores, al traviés del teléfonu 684800385. Les reserves yá tán disponibles dende esti sábadu 21 d'avientu, y les primeres visites van celebrase'l 28 y 29 d'avientu.

Pa llegar al averu de La Lluera, encamiéntase dexar el coche nel aparcamientu al pie de la ilesia de Priorio, yá que más alantre nun hai espaciu abundu p'aparcar. Dende ellí, los visitantes puen disfrutar d'un paséu d'aproximao 1 quilómetru que xube hasta'l caseríu de Priorio. Dende'l pueblu, tómase una sienda descendente que pasa percima d'El Ríu Nalón y conduz hasta la finca que da accesu a la cueva. Esti percorríu, que pue facese nunos 25 minutos, dexa disfrutar de la guapura natural de la zona.

Encamiéntase a los visitantes llevar calzáu afayadizu, como zapatielles o botes de monte, pa facer más cómoda la caminata hasta'l xacimientu.

Tola información sobre l'averu de La Lluera, los detalles de les visites y un mapa col percorríu peatonal encamentáu tán disponibles na páxina web oficial: <https://yacimientos.asturias.es/cueva-de-la-lluera>